

RM30j bagi Utar: Presiden MCA tak diajak berunding
Malaysiakini.com
September 1, 2010

Sejak mengambil alih pucuk kepimpinan MCA, Datuk Seri Dr Chua Soi Lek berkata beliau tidak dikunjungi atau diajak berunding dengan ahli perniagaan Koon Yew Yin yang ingin menderma RM30 juta kepada Universiti Tunku Abdul Rahman (Utar).

"Kepimpinan MCA menyambut baik sumbangan kepada UTAR daripada semua dermawan," kata presiden MCA itu dalam kenyataan di Kuala Lumpur hari ini.

Menurut laporan akhbar, ahli parlimen Taiping, Nga Kor Ming telah mendakwa MCA telah menolak tawaran RM30 juta oleh Koon bagi membina asrama untuk kampus Utar di Kampar, Perak.

Nga mendakwa penolakan tawaran itu didedahkan kepadanya menerusi e-mel yang diterimanya dari Koon, yang merupakan pengasas tiga syarikat pembinaan yang tersenarai -- IJM Corporation Bhd, Gamuda Bhd dan Mudajaya Group Bhd.

Chua berata beliau telah berbincang dengan pengerusi majlis Utar, Tun Dr Ling Liong Sik berhubung perkara itu.

"Pihak Utar akan mengeluarkan kenyataan media dalam masa terdekat bagi menjelaskan tawaran Koon itu," katanya.

- Bernama

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/141686>